



ҚАЗАҚСТАН ҰЛТТЫҚ БАНКІ

№33 БАСПАСӨЗ РЕЛИЗИ

Коллекциялық монеталарды айналысқа шығару туралы

2019 жылғы 2 қазан

Алматы қ.

Қазақстан Республикасының Ұлттық Банкі **2019 жылғы 2 қазанда** номиналы 5 000 және 500 теңгелік күмістен, номиналы 200 және 100 теңгелік мельхиор қоспасынан «Көшпенділердің ғибадат жануарлары – тотемдері» монеталар сериясынан «ҰКІ» коллекциялық монеталарын айналысқа шығарады.

Бұл монета «Көшпенділердің ғибадат жануарлары – тотемдері» монеталар сериясын жалғастырады. Бұл сериядағы монеталар дизайны бейнеленетін жануардың натуралистік және трафареттік түрін «сақ жануар стиліне» аллегориялық тұрғыдан үйлестіріп көрсетуге негізделген.

Үкі көптеген мәдениетте даналық, білім, жасырын мүмкіндіктер мен бірегей пайым нышаны болып табылады. Көшпенділер үкіні қасиетті құс деп есептеген. Бұл наным үкінің адамдарды жыннан күзетуге ықпал ететін, даналықты паш ететін құс ретіндегі рөлін түсінуге байланысты.

Номиналы 5 000 теңгелік «ҰКІ» күміс монетасының бейнеленуі (proof сапалы)



Номиналы 500 теңгелік «ҰКІ» күміс монетасының бейнеленуі (proof сапалы)



Номиналы 200 теңгелік «ҰКІ» мельхиор монетасының бейнеленуі (proof-like сапалы)



Номиналы 100 теңгелік «ҰКІ» мельхиор монетасының бейнеленуі (brilliant uncirculated сапалы)



Номиналы 5 000 және 500 теңгелік «ҰКІ» монеталарының сипаттамасы:

Монеталар алтындату технологиясын қолдана отырып күмістен жасалған және гауһар қондырмасы бар. Монеталардың бет және сырт жақтарындағы бейнелер бірдей.

Монеталардың бет жағында (аверсінде) ұлттық ою-өрнектің қоршауында Қазақстан теңге сарайының тауар белгісі және монета дайындалған металды, оның сынамын және массасын білдіретін деген жазба бейнеленген. Монетаны айналдыра «QAZAQSTAN RESPÝBLIKASY» және «REPUBLIC OF KAZAKHSTAN» деген жазбалар бар.

Монеталардың сырт жағында (реверсінде) гауһар қондырмасы бар үкінің басының натуралистік және трафареттік бейнесінен композиция, монетаның жоғары бөлігінде «ҰКІ» деген жазба орналасқан. Монетаны айналдыра декоративтік ресімдеу элементтері бар үлкен жиек жүргізілген.

Номиналы 200 және 100 теңгелік «ҰКІ» монеталарының сипаттамасы:

Монеталар МН25 сапалы мельхиор қоспасынан «proof-like» және «brilliant uncirculated» сапасымен дайындалған. «Proof-like» дайындау сапасымен монетада алтындату технологиясы қолданылған.

Монеталардың бет жағында (аверсінде) ұлттық ою-өрнектің қоршауында соғылған жылы, номиналы, Қазақстан теңге сарайының тауар белгісі бейнеленген. Монетаны айналдыра «QAZAQSTAN RESPÝBLIKASY» және «REPUBLIC OF KAZAKHSTAN» деген жазбалар бар.

Монеталардың сырт жағында (реверсінде) үкінің басының натуралистік және трафареттік бейнесінен композиция, монетаның жоғары бөлігінде «ҰКІ» деген жазба орналасқан. Монетаны айналдыра декоративтік ресімдеу элементтері бар үлкен жиек жүргізілген.

Техникалық сипаттамалары:

1) номиналы 5 000 теңгелік монеталар 925 сынамды күмістен жасалған, массасы – 25 oz (777,5 гр.), диаметрі – 100 мм, диаметрі 2 мм болатын бір гауһар орнатылған, дайындау сапасы – «proof», таралымы – 200 дана;

2) номиналы 500 теңгелік монеталар 925 сынамды күмістен жасалған, массасы – 31,1 гр., диаметрі – 38,61 мм, диаметрі 1 мм болатын бір гауһар орнатылған, дайындау сапасы – «proof», таралымы – 3 000 дана;

3) номиналы 200 теңгелік монеталар мельхиор қоспасынан жасалған, массасы – 15 гр., диаметрі – 33 мм, дайындау сапасы – «proof-like», таралымы – 5 000 дана;

4) номиналы 100 теңгелік монеталар мельхиор қоспасынан жасалған, массасы – 11,17 гр., диаметрі – 31 мм, дайындау сапасы – «brilliant uncirculated», таралымы – 20 000 дана.

Монеталар коллекциялық құны бойынша сатуға арналған.

Номиналы 5 000, 500, 200 және 100 теңгелік коллекциялық монеталар Қазақстан Республикасының бүкіл аумағында көрсетілген құнымен төлемнің барлық түрлері бойынша, сондай-ақ банк шоттарына есептеу үшін және аударым жасау үшін қабылдануға міндетті, Қазақстан Республикасының барлық банктерінде шектеусіз ұсақталады және айырбасталады.

Күміс монеталар кәдесыйлық ораумен шығарылады және Қазақстан Республикасы Ұлттық Банкінің мемлекеттік, орыс және ағылшын тілдеріндегі нөмірлік сапа сертификатымен жабдықталған.

«Proof-like» дайындау сапасы бар мельхиор қоспасынан дайындалған монеталар кәдесыйлық ораумен шығарылады.

«Brilliant uncirculated» дайындау сапасы бар мельхиор қоспасынан дайындалған монеталар арнайы полиграфиялық ораумен шығарылады.

Коллекциялық монеталарды «Қазақстан Республикасы Ұлттық Банкінің Қазақстан теңге сарайы» шаруашылық жүргізу құқығындағы республикалық мемлекеттік кәсіпорны дайындаған.

Коллекциялық монеталарды Қазақстан Республикасы Ұлттық Банкінің барлық аумақтық филиалдарында, сондай-ақ www.nationalbank.kz сайтындағы Интернет - дүкен арқылы сатып алуға болады.

Толығырақ ақпаратты мына телефон бойынша алуға болады:

+7 (727) 3 330 24 52 (1452)

+7 (727) 2 704 591 (3930)

+7 (727) 2 704 798 (1998)

E-mail: press@nationalbank.kz

www.nationalbank.kz